

ქალაქ ფოთის მუნიციპალიტეტის საკრებულოს წევრის საქმიანობის ანგარიშის ფორმა

1. ქალაქ ფოთის მუნიციპალიტეტი
 2. საკრებულოს წევრის სახელი, გვარი: ალექსანდრე ტყებუჩავა
 3. საკრებულოში დაკავებული თანამდებობა: 03.12.2021-დან საკრებულოს თავმჯდომარე
 4. ფრაქციის წევრობა: ფრაქცია „ქართული ოცნება- დემოკრატიული საქართველო“
 5. კომისიის (კომისიების) წევრობა: -
 6. არჩევის წესი (მაჟორიტარის შემთხვევაში, მაჟორიტარული ოლქის მითითებით): პროპორციული
 7. საანგარიშო პერიოდი: 2023 წლის 1 მაისიდან - 2023 წლის 31 ოქტომბრის ჩათვლით.
`განხორციელებული საქმიანობები:
1.საკრებულოს სხდომების რაოდენობა, რომელშიც მონაწილეობდა ანგარიშის წარმდგენი: 6 (ექვსი)
-

- 2.საკრებულოს ამ სხდომებზე განხილული საკითხების რაოდენობა: 57 (ორმოცდაჩვიდმეტი)
 - 3.საკრებულოს კომისიების სხდომების რაოდენობა, რომელშიც მონაწილეობდა ანგარიშის წარმდგენი -
 - 4.საკრებულოს ამ კომისიების ამ სხდომებზე განხილული საკითხების რაოდენობა
-


- 5.საკრებულოში ინიცირებული საკითხების დასახელება: ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის დებულების დამტკიცების შესახებ; ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის დებულების დამტკიცების შესახებ; ქალაქ ფოთის მუნიციპალიტეტის საკრებულოს ქონების მართვისა და ბუნებრივი რესურსების საკითხების კომისიის დებულების დამტკიცების შესახებ; ქალაქ ფოთის მუნიციპალიტეტის საკრებულოს სოციალურ საკითხთა კომისიის დებულების დამტკიცების შესახებ.

- 6.მოქალაქეებთან შეხვედრების რაოდენობა: ყოველდღიური შეხვედრა მოსახლეობასთან

7. მოქალაქეებთან შეხვედრისას გამოკვეთილი ძირითადი საკითხები: სოციალური და ინფრასტრუქტურული პროექტები, გზების რეაბილიტაცია, სამუშაო ადგილების შექმნა, წყალარინების პროექტის დასრულება, სპორტული მოედნების მოწყობა, ეზოების კეთილმოწყობა, მრავალბინიანი სახოვრებელი სახლების გადახურვა, ბავშვთა გასართობი სკვერების და ველობილიკების მოწყობა.

8. სხვა განხორციელებული საქმიანობები

ქალაქ ფოთის მუნიციპალიტეტის საკრებულოს თავმჯდომარის
აღექსანდრე ტყებუჩავას
საქმიანობის ანგარიში
(01.05.2023-31.10.2023)



შესავალი

საკრებულო არის მუნიციპალიტეტის წარმომადგენლობითი ორგანო, რომელიც საქართველოს ორგანული კანონით „ადგილობრივი თვითმმართველობის კოდექსი“ და დამტკიცებული რეგლამენტით დადგენილი უფლებამოსილების შესაბამისად განსაზღვრავს მუნიციპალიტეტის განვითარების სტრატეგიასა და ძირითად მიმართულებებს, აკონტროლებს ადგილობრივი თვითმმართველობის აღმასრულებელი ორგანოს და თანამდებობის პირთა საქმიანობას, იღებს გადაწყვეტილებებს ადგილობრივი მნიშვნელობის საკითხებზე.

საკრებულოს საქმიანობის სამართლებრივი საფუძვლებია საქართველოს კონსტიტუცია, საქართველოს ორგანული კანონი „ადგილობრივი თვითმმართველობის კოდექსი“, „ადგილობრივი თვითმმართველობის შესახებ“ ევროპული ქარტია, საქართველოს საკანონმდებლო და კანონქვემდებარე ნორმატიული აქტები და რეგლამენტი.

საკრებულოს საქმიანობასთან დაკავშირებულ იმ საკითხებს, რომლებიც არ არის მოწესრიგებული საქართველოს კანონმდებლობით და რეგლამენტით, წყვეტს საკრებულო.

მუნიციპალიტეტის საკრებულოს თავმჯდომარის საქმიანობა

საკრებულოს თავმჯდომარე ახორციელებს საქართველოს ორგანული კანონის „ადგილობრივი თვითმმართველობის კოდექსით, საქართველოს სხვა საკანონმდებლო და კანონქვემდებარე ნორმატიული აქტებითა და მუნიციპალიტეტის საკრებულოს რეგლამენტით მისთვის მინიჭებულ უფლებამოსილებებს:

საკრებულოს სხდომების ორგანიზება, საკითხების განხილვა, გადაწყვეტილებების მიღება;

საკრებულოს აპარატის ორგანიზაციული საქმიანობის ხელმძღვანელობა;

საკრებულოს წარმომადგენლობითი ფუნქციების გახორციელება.

საკრებულოში ამჟამად ფუნქციონირებს 5 მუდმივმოქმედი კომისია და 3 ფრაქცია

კომისიები

საფინანსო-საბიჯეტო კომისია;

იურიდიულ, სამანდატო, საპროცედურო საკითხთა და ეთიკის კომისია;

სოციალურ საკითხთა კომისია;

სივრცით-ტერიტორიული დაგეგმარებისა და ინფრასტრუქტურის კომისია;

ქონების მართვისა და ბუნებრივ რესურსების საკითხთა კომისია.

ფრაქციები

„ქართული ოცნება-დემოკრატიული საქართველო“

„ერთიანი ნაციონალური მოძრაობა“

„ფოთი საქართველოსთვის“

ფრაქცია - „ქართული ოცნება - დემოკრატიული საქართველო“ შემადგენლობა განისაზღვრება 20 წევრით.

ფრაქციის საქმიანობას საფუძვლად უდევს შემდეგი პრინციპები:

- ფრაქციის საქმიანობის საჯაროობა
- დამოუკიდებლობა და თვითმმართველობა
- ფრაქციაში გაწევრიანებისა და ფრაქციიდან გასვლის ნებაყოფლობითობა
- თანასწორობა კანონის წინაშე

ფრაქცია შექმნილია საერთო პოლიტიკური შეხედულებების მქონე საკრებულოს წევრთა მიერ უფლებამოსილების ეფექტურად გახორციელებისა და საქმიანობის კოორდინირებულად წარმართვის მიზნით.

ფრაქციაზე განხილული საკითხები :

საანგარიშო პერიოდში ფრაქციის სხდომაზე განხილულ იქნა სხვადასხვა საკითხები, მათ შორის:

- საკრებულოს წევრების 2023 წლის აქტივობების ძირითადი მიმართულებების შესახებ;
- მუნიციპალიტეტის საკრებულოს ფრაქციებისა და კომისიების 2023 წლის სამუშაო გეგმის შესახებ საკრებულოს ფრაქციასა და ქალაქ ფოთის მერიას შორის კოორდინაციის გეგმის შემუშავების შესახებ;
- სამომავლოდ დაგეგმილი ღონისძიებების შესახებ;
- საკრებულოს სხდომაზე განსახილველი სხვადასხვა საკითხის განხილვის შესახებ;
- ქალაქში დაგეგმილ და მიმდინარე პროექტებზე ინფორმაციების მოსმენა.

ფრაქციის მიერ საანგარიშო პერიოდში ჩატარდა 6 სხდომა.

ფრაქციის სხდომაზე განხილულ იქნა 37 საკითხი.

საანგარიშო პერიოდში საკრებულოში ჩატარდა:

6 საკრებულოს სხდომა

6 ბიუროს სხდომა

- საკრებულოს სხდომებზე განხილულ იქნა სულ 57 საკითხი
- ბიუროს სხდომაზე განხილულულ იქნა სულ:59 საკითხი;
- სხდომაზე მიღებულ იქნა 36 ინდივიდუალურ-სამართლებრივი აქტი (განკარგულება) და 18 ნორმატიული ადმინისტრაციულ -სამართლებრივი აქტი (დადგენილება).

ბიუჯეტი - 2023

საქართველოს მთავრობისა და ქალაქ ფოთის მუნიციპალიტეტის მიერ დასახული პრიორიტეტების, ასევე, ქალაქში არსებული სიტუაციის ანალიზის გათვალისწინებით მუნიციპალიტეტში შემუშავებულია სამოქმედო გეგმა და პრიორიტეტული მიმართულებები:

- ✓ მუნიციპალური ინფრასტრუქტურის განვითარება;
- ✓ ქალაქის დასუფთავება, ეკოლოგიური მდგომარეობისა და სარეკრეაციო ინფრასტრუქტურის განვითარება;
- ✓ განათლება;
- ✓ კულტურა, რელიგია, ახალგაზრდობის ხელშეწყობა და სპორტი;
- ✓ ჯანმრთელობის დაცვა და სოციალური უზრუნველყოფა;
- ✓ მუნიციპალური სერვისების განვითარება.

ბიუჯეტი

ქალაქ ფოთის მუნიციპალიტეტის 2023 წლის ბიუჯეტის თანხები საანგარიშო პერიოდის განმავლობაში ძირითადად მოხმარდა ქალაქისთვის მნიშვნელოვანი ინფრასტრუქტურული და ქალაქის სარეაბილიტაციო სამუშაოების განხორციელებას, მუნიციპალური სერვისების გაუმჯობესებას, ქალაქის კეთილმოწყობას, გამწვანებას, მუნიციპალური სატრანსპორტო სისტემის და სერვისის განვითარებას, საგზაო ინფრასტრუქტურის მშენებლობას, შენობების რეაბილიტაციას, ქალაქის დასუფთავებას, ეკოლოგიური მდგომარეობისა და სარეკრეაციო ინფრასტრუქტურის განვითარებას, განათლების, კულტურის, ახალგაზრდობის ხელშეწყობასა და სპორტის, ჯანმრთელობის დაცვასა და სოციალურ უზრუნველყოფას, ქალაქის ეკონომიკურ და ურბანული განვითარებას, მუნიციპალური სერვისების განვითარებას.

საკრებულოს გადაწყვეტილებები

საანგარიშო პერიოდში ქალაქ ფოთის მუნიციპალიტეტის საკრებულომ სხდომებზე 57 საკითხზე მიიღო გადაწყვეტილება, მათ შორის დაამტკიცა ცვლილებები 2023 წლის ბიუჯეტში.

სხდომაზე მოსმენილ იქნა:

ქალაქ ფოთის მუნიციპალიტეტის 2023 წლის ბიუჯეტის I კვარტლის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ

ქალაქ ფოთის მუნიციპალიტეტის 2023 წლის ბიუჯეტის II კვარტლის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ

ქალაქ ფოთის მუნიციპალიტეტის 2023 წლის ბიუჯეტის 6 თვის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ

საქართველოს სახელმწიფო აუდიტის სამსახურის მიერ 2023 წელს დამტკიცებული მუნიციპალიტეტების წარმომადგენლობითი და აღმასრულებელი ორგანოების 2020-2021 წლებში დაფინანსებისა და სამშენებლო სამუშაოების გამარტივებული შესყიდვების შესაბამისობის აუდიტის ანგარიშის შესახებ.

ბიუჯეტის კორექტირებისას მაქსიმალურად იქნა გათვალისწინებული სოციალური პასუხისმგებლობა და ამავე დროს, კვლავ პრიორიტეტული დარჩა ინფრასტრუქტურის განვითარება.

პროგრამულ ჭრილში ბიუჯეტის მიმართულებები:

- ჯანმრთელობის დაცვა და სოციალური უზრუნველყოფა
- ინფრასტრუქტურის განვითარება
- ქალაქის გამწვანება
- განათლება და კულტურა
- სპორტისა და ახალგაზრდობის ხელშეწყობა
- ეკოლოგიური მდგომარებისა და სარეკორდო ინფრასტრუქტურის განვითარება

ანგარიშის მოსმენა

მუნიციპალიტეტის საკადრო პოლიტიკის განსაზღვრის, აღმასრულებელი ორგანოების საქმიანობის რეგულირებისა და კონტროლის სფეროში საკრებულოს უფლებამოსილებას განეკუთვნება ადგილობრივი თვითმმართველობის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა

საანგარიშო პერიოდში მოსმენილ იქნა და შესაბამისად შეფასებული ანგარიშები:

- ა(ა)იპ „ქალაქ ფოთის მუნიციპალიტეტის ინსპექციის“ უფროსის ქალაქ ფოთის მუნიციპალიტეტის მერიის მდგრადი განვითერბისა და ინოვაციების სამსახურის უფროსის ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის ქალაქ ფოთის მუნიციპალიტეტის კულტურისა და სპორტის სამსახურის უფროსის ქალაქ ფოთის მუნიციპალიტეტის არქიტექტურის სამსახურის უფროსის
- ა(ა)იპ თვითმმართველი ქალაქ ფოთის სკოლამდელი გაერთიანების ხელმძღვანელის ქალაქ ფოთის მუნიციპალიტეტის მერიის სამხედრო აღრიცხვის, გაწვევის და მობილიზაციის სამსახურის უფროსის
- ა(ა) იპ ქალაქ ფოთის მუნიციპალიტეტის სერვისების ცენტრის ხელმძღვანელის

განათლება-კულტურა-სპორტი

ჩატარდა:

ქართული კინოს დღესთან დაკავშირებით, ა(ა) იპ საბიბლიოთეკო გაერთიანების გურამ დოჩანაშვილის სახელობის სამკითხველო დარბაზში გაიმართა ზაზა ურუშაძის ფილმის „სამი სახლის ჩვენება“. კინო მარათონი საქართველოს 20 ქალაქში და 5 ქვეყანაში ჩატარდა. ქართული კინოს 115 წლიანი მრავალფეროვანი ისტორიიდან მარათონის პროგრამა მაყურებელმა ღია გამოკითხვის მეშვეობით, თავადვე შეარჩია.

საქართველოს დამოუკიდებლობის აღდგენის დღე აღინიშნა! ცენტრალურ მოედანზე, საქართველოს მთავრობისა და საგარეო საქმეთა სამინისტროს ორგანიზებით სხვადასხვა სახის შემეცნებითი და გასართობი აქტივობა გაიმართა. მთელი დღის მანძილზე, ადგილობრივი მუსიკალური სტუდიებისა და ანსამბლების მონაწილეობით მიმდინარეობდა საზეიმო კონცერტი და მოწყობილი იყო ადგილობრივი მეწარმეების პროდუქციის გამოფენა-გაყიდვა.

საბიბლიოთეკო გაერთიანების გურამ დოჩანაშვილის სახელობის სამკითხველო დარბაზში გაიმართა შეხვედრა პოეტ, ლიტერატურათმცოდნე ქეთევან შენგელიასთან.

ა(ა) იპ ფოლკლორის ცენტრთან არსებული თოჯინების სახალხო თეატრმა სოციალურად დაუცველი ბავშებისთვის გაიმართა სპექტაკლი „ნატვრის ახდენა“.

ჩატარდა სახვითი ხელოვნების საერთაშორისო ფესტივალი „პალიტრა ფოთი2023.“

ნობელის პრემიის ნომინანტი, მწერალი, პოლიტოლოგი, ფილოსოფოსი, საქველმოქმედო ფონდი „წინაპართა მემკვიდრეობის გადასარჩენად“ დირექტორი ნიაზ ბოლქვაძე შეხვდა ფოთელ საზოგადოებას და წარმოადგინა პრეზენტაცია თემაზე-, საქართველო რეინის სამშობლო ჩაქვი - უძველესი მეტალურგიის სათავეებთან“.

გაიმართა ა(ა)იპ ქალაქ ფოთის მუნიციპალიტეტის ფოლკლორის ცენტრის თანამშრომლის გიორგი კალანდიას „წაჩეურუს“ მთავარანგელოზის მამათა მონასტრის წიგნის პრეზენტაცია.

ჩატარდა ფოტოხელოვნების საერთაშორისო ფესტივალი „შავი ზღვა 2023“.

ა(ა) იპ ფოთის ცენტრალურ პარკში გაიმართა ა(ა)იპ ქალაქ ფოთის ფოლკლორის ცენტრთან არსებული საბავშვო ბენდი „გრიფისა“ და ჯგუფი „I-studio“-ს სოლო კონცერტი.

საბიბლიოთეკო გაერთიანების გურამ დოჩანაშვილის სახელობის სამკითხველო დარბაზში დიდი

ლიტერატურული ტურნეს“ ფარგლებში თათული ღვინიანიძე და ირაკლი არიშვილი მკითხველებს შეხვდნენ. ნიკო ნიკოლაძის 180 წლისადმი მიძღვნილი ღონისძიება გაიმართა. მთელი დღის განმავლობაში მიმდინარეობდა კულტურული და სპორტული ღონისძიებები. ჩატარდა მარათონი გიორგი ნიკოლაძის თასზე, მოეწყო საჩვენებელი საიუბილეო მხატვრული გამოფენები, სპორტული გამოსვლები.

ნიკო ნიკოლაძის სახელობის კოშკში გაიმართა ქუთაისის ფოტო-კინო მუზეუმის ექსპონატების, ნიკოლაძისეული მემორიალური ნივთებისა და უცნობი ფოტოების გამოფენა. საიუბილეო საღამო ნიკოლაძის სანაპიროზე გალა-კონცერტით დასრულდა. მსმენელის წინაშე წარსდგა ლეგენდარული მომღერალი ნანი ბრეგვაძე და ასევე, ჯგუფი „თეატრალურის კვარტეტი“; ნიკა ნიკვაშვილის ხელმძღვანელობით, თბილისის ზაქარია ფალიაშვილის სახელობის ოპერისა და ბალეტის თეატრის ორკესტრი; ეკა მამალაძე; ნატალია ქუთათელაძე.

მუნიციპალიტეტის საქმიანობაში ახალი თაობის აქტიურად ჩართულობისა და მათთვის ახალი შესაძლებლობების შესაქმნელად - ფოთში, ახალგაზრდული საბჭო შეიქმნა. ახალგაზრდული საბჭო ადგილობრივი დონეზე ახალგაზრდული პოლიტიკის განვითარებასა და დაგეგმვაზე,

ახალგაზრდების საჭიროებებისა და ინტერესების კვლევაზე მუშაობს; უზრუნველყოფს თვითმმართველობის საქმიანობისა და მიმდინარე მოვლენების შესახებ თანატოლების ინფორმირებას.

საბჭო, 16 ფოთელი ახალგაზრდისგან შედგება. თითოეული მათგანი კომისიის მიერ, კონკურსის საფუძველზე შეირჩა. ახალგაზრდების ხელშეწყობა და მხარდაჭერა ადგილობრივი თვითმმართველობის ერთ-ერთი პრიორიტეტია, შესაბამისად, ახალგაზრდებზე ორიენტირებული არაერთი პროექტი იგეგმება და ხორციელდება.

მრავალფუნქციურმა საცურაო კომპლექსმა შპს ქალაქ ფოთის ფიზიკა მათემატიკის სკოლის 100-მდე მოსწავლეს უმასპინძლა.

მომავალი ფოთის მუნიციპალიტეტის ახალი ინიციატივა გრძელდება.

კამპანიის ფარგლებში, ქალაქის ყველა კერძო და საჯარო სკოლის მოსწავლეს საშუალება აქვს ისარგებლოს საცურაო აუზის სერვისით და სპორტული დარბაზით საჩუქრად.

ქალაქ ფოთის მუნიციპალიტეტის ერთ-ერთი პრიორიტეტი ახალგაზრდა თაობისათვის ჯანსაღი ცხოვრების წესის პოპულარიზაცია და ხელმისაწვდომობის გაზრდაა.

ქალაქში, საქართველოს დამოუკიდებლობის აღდგენის დღე აღინიშნა.

ცენტრალურ მოედანზე, საქართველოს მთავრობისა და საგარეო საქმეთა სამინისტროს ორგანიზებით სხვადასხვა სახის შემცნებითი და გასართობი აქტივობა გაიმართა.

შეხვედრა შედგა ქალაქ ფოთის მუნიციპალიტეტის ახალგაზრდული საბჭოს წევრებს, რომლის მიზანს საკრებულოსა და ახალგაზრდულ საბჭოს შორის კომუნიკაციის გამყარება და ახალგაზრდული მიმართულებით მომავალი თანამშრომლობის განვითარება წარმოადგენდა.

შეხვედრაზე, რომელსაც საკრებულოს წევრებიც ესწრებოდნენ, ახალგაზრდული საბჭოს სამომავლო გეგმები და თანამშრომლობის საკითხები განვიხილეთ. მათ შორის ერთობლივი პროექტების განხორციელებასა და ამ პროცესში ახალგაზრდების ჩართულობის ხელშეწყობაზე ვისაუბრეთ.

საზეიმოდ აღინიშნა ბავშვთა დაცვის საერთაშორისო დღე. ჩატარდა საზეიმო მსვლელობა, დრამერების შოუ, ფოთის ცენტრალური პარკში მოეწყო ბავშვთა გასართობი შოუ პროგრამა, ანიმატორების და ზღაპრის გმირების მონაწილეობით; სპორტული საჩვენებელი სანახაობა, ფოთელი წარმატებული სპორტსმენების მასტერკლასი; გაცოცხლებული ეპიზოდები იაკობ გოგებაშვილის ნაწარმოებებიდან - „იაკობ გოგებაშვილის კვალდაკვალ...“ სპეციალური კუთხეები: გამოფენა, სახეზე მოხატვა; სამეჯლისო სპორტული ცეკვების სტუდია „ოცნება“; თანამედროვე ცეკვების სტუდია „ბუმი“ - არჩილ ხორავას სახელობის სახელოვნებო სასწავლებელის მოსწავლეთა გამოსვლები; კალიგრაფიის კონკურსში „ნიკო ნიკოლაძის სიბრძნის სამყარო ჩემი კალიგრაფიით“ გამარჯვებულების დაჯილდოება.

დასასრულს გაიმართა საზეიმო კონცერტი მოსწავლე-ახალგაზრდობის შემოქმედებითი ცენტრის, ფოლკლორის ცენტრთან არსებული ბენდების - „გრიფი“ და „L studio“ მონაწილეობით.

ცენტრალური ბიბლიოთეკის დარბაზში სქილვილის აკადემიამ ფოთელ ახალგაზრდებთან საინფორმაციო შეხვედრა გამართა. სქილვილის აკადემია ონლაინ აკადემიაა, სადაც ისწავლება პროგრამირება, ციფრული მარკეტინგი, ხელოვნური ინტელექტი.

სპორტი

მდინარე კაპარჭაზე გაიმართა ოლიმპიური ჩემპიონის ვიქტორ კრატასიუკის სახელობის რეგატა კანოე-კაიკით ნიჩბოსნობაში, სადაც მონაწილეობდნენ: თბილისის, ქუთაისის, ბათუმის, მცხეთის, რუსთავის, დუშეთისა და ფოთის ნაკრები გუნდები. სულ 75

ნიჩბოსანი. მისასალმებელია ის გარემოება, რომ აღნიშნულ რეგატაზე წარმატებით იასპარეზეს ფოთელმა ნიჩბოსნებმა, რომლებმაც მოიპოვეს 10 – I, 12 – II და 5 - III ადგილი. სულ 27 მედალი.

ქალაქ ფოთის ილია ჭავჭავაძის სახელობის N5 საჯარო სკოლა სასკოლო სპორტული ოლიმპიადის 2023 წლის მინი კალათბურთის 3X3 გამარჯვებულია. მან ფინალურ ორთაბრძოლაში სძლია თელავის N2 საჯარო სკოლას და მოიპოვა საქართველოს ჩემპიონის ტიტული.

ჰიდროგრაფიის ეზოში (შუქურასთან) ჩატარდა ქართული კინოფილმების საღამო. დამსწრე საზოგადოებამ გაიხსენა ძველი ქართულ ფილმები, მოეწყო გუნდური ვიქტორინა ფილმების შესახებ გამარჯვებული გუნდი დასაჩუქრდა სამახსოვრო პრიზით.

ქალაქ ფოთის მუნიციპალიტეტმა წელს უკვე მეორედ უმასპინძლა ფოთის ჩემპიონატს ფეინთბოლში. ტურნირი მაღლატაურის ზღვის სანაპიროზე გაიმართა.

ჩემპიონატში მონაწილეობდნენ ფოთში რეგისტრირებული 15-29 წლის 90 ახალგაზრდა. ექსტრემალურ, ტექნიკურ-სპორტული თამაშები მიმდინარეობდა საბრძოლო ქმედებების იმიტაციას განსაზღვრულ ტერიტორიაზე. ამისათვის გამოიყენებული იყო სპეციალური პნევმატური იარაღი (ე.წ. მარკერი) და საღებავიანი ჟელატინის ბურთულები.

მაღლატაურის პლაჟზე გაიმართა ნუგზარ ტყებუჩავას სახელობის რეგიონალური ტურნირი პლაჟის ფეხბურთში 16-წლამდელთა შორის,

ქალაქ ფოთის მუნიციპალიტეტში წელს უკვე მეორედ განახორციელდა კინოსკოლის პროექტი ახალგაზრდებისათვის. პროექტის მონაწილეებმა სამსახიობო ხელოვნება, კინოდრამატურგია, კინოსაოპერატორო ხელოვნება, კინორეჟისურა და მონტაჟი, კინოსა და კულტურის მენეჯმენტი შეისწავლეს. ამასთანავე გადაღებულ იქნა მოკლემეტრაჟიან 4 (5-10 წთ) სამოყვარულო ფილმები. თეორიული და პრაქტიკული მეცადინეობები ჩატარა საქართველოს შოთა რუსთაველის სახელობის თეატრისა და კინოს სახელმწიფო უნივერსიტეტის პროფესორ-მასწავლებლებმა, რეჟისორებმა.

კინოსკოლაში 44 მოსწავლე იღებდა მონაწილეობას.

აღინიშნა ყოველწლიური დღესასწაული გლობალური ცეცხლის შეწყვეტისა და არაძალადობისათვის. ყველა სასწავლო დაწესებულებაში ჩატარდა მშვიდობისადმი მიძღვნილი თემატური ლექცია საუბრები, პოსტერების, ნახატების გამოფენები, ლიტერატურულ მუსიკალური კომპოზიციები. მომზადდა

მშვიდობისადმი მიმართვა პედგაგოგების მონაწილეობით. ერთხმად დაუჭირეს მხარი და შეუერთდნენ საქართველოს ქალთა საბჭოს მიმართვას მსოფლიო საზოგადოებისადმი-„ერთად ვთქვით არა ომს“ ქალბატონებმა დააფიქსირეს თავიანთი მოსაზრებები ამ კეთილშობილური საკითხისადმი და კიდევ ერთხელ ამცნეს მსოფლიოს, მათი სწრაფვა მშვიდობისათვის, შერიგებისთვის, მომავალი თაობის ნათელი მომავლისთვის.

ქალაქ ფოთის მუნიციპალიტეტის მრავალფუნქციური საცურაო კომპლექსის სპორტულ დარბაზში გაიმართა ვაინარ სუხიშვილის სახელობის პირველობა კალათბურთში საჯარო და კერძო სკოლების მოსწავლეთა შორის. ევროპის სასკოლო სპორტის დღეს, მალთაყვის პლაჟის სანაპიროზე გაიმართა ამანათრბენი 10X100 მ. საჯარო სკოლების მოსწავლეთა შორის.

სასწავლო დაწესებულებებში ჩატარდა ისრაელის მხარდამჭერი აქციები, პედაგოგებმა დაგმეს ისრაელისა და მისი ხალხის წინააღმდეგ ტერორისტულ და ძალადობრივ თავდასხმები. სოლიდარობა და თანადგომა გამოცხადეს ებრაელ ხალხს, გარდაცვლილთა და დაშავებულთა ოჯახებს და ახლობლებს.

მსოფლიოს მასშტაბით ოქტომბერი ძუძუს კიბოს წინააღმდეგ ბრძოლისა და ცნობიერების ამაღლების თვედ არის გამოცხადებული. 50-მდე ქვეყანა აღნიშნავს ამ თვეს. ქალაქის საჯარო და კერძო სკოლების პედაგოგები ერთხმად შეურთდა ამ აქციას. განსაკუთრებული ყურადღება მიექცა ახალგაზრდა დედების ინფორმირებას. ქალაქ ფოთის მუნიციპალიტეტის მერიის კულტურისა და სპორტის სამსახურში გაიმართა პეტრე ზამბახიძის სახელობის რეგიონალური ტურნირის კენჭისყრა ფეხბურთში U13 წლამდელთა შორის.

-მსოფლიოს მასშტაბით ოქტომბერი ძუძუს კიბოს წინააღმდეგ ბრძოლისა და ცნობიერების ამაღლების თვედ არის გამოცხადებული. 50-მდე ქვეყანა აღნიშნავს ამ თვეს. სამახურის და გენდერული საბჭოს ორგანიზებით მოეწყო მარათონი.

დაიწყო საქართველოში მეცნიერული პედაგოგიკის ფუძემდებლის, პუბლიცისტის, საბავშვო მწერლისა და საზოგადო მოღვაწის იაკობ გოგბაშვილის დაბადების დღისადმი მიღმღნილი ღონისძიებათა ციკლი-, წარსულის შვილი, მომავლის მამა და მყოფადის გადია“. თეოფანე დავითაიას სახელობის N1 საჯარო სკოლაში ჩატარდება ღონისძიება „იაკობმა მოგვცა ფრთები, ბავშვებს ცაში ასაფრენად ნახატების,“ კალიგრაფიული ნამუშევრების გამოფენა, დედა ენის პერსონაჟების გაცოცხლება. 6 ნოემბერი- იაკობ გოგებაშვილის ღონისძიებათა ციკლი დაიხურება.

ინფრასტრუქტურის განვითარება

დასრულებული ობიექტები:

1. ხელშეკრულების საფუძველზე შპს „ბერმუხა“ ახორციელებდა ქალაქ ფოთში, მრავალბინიანი საცხოვრებელი სახლების სახურავის რეაბილიტაციის, კერძოდ: დანელიას ქ. N4-ში მდებარე მრავალბინიანი საცხოვრებელი სახლის სახურავის რეაბილიტაციის სამუშაოებს.
2. ხელშეკრულების საფუძველზე შპს „ბერმუხა“ ახორციელებდა ქალაქ ფოთში, მრავალბინიანი საცხოვრებელი სახლების სახურავის რეაბილიტაციის, კერძოდ: არზიანის ქ. N8-ში მდებარე მრავალბინიანი საცხოვრებელი სახლის სახურავის რეაბილიტაციის სამუშაოებს.
3. ხელშეკრულების საფუძველზე შპს „ქარდა 701“ ახორციელებდა ქალაქ ფოთში, კუნძულის უბანში, კაცაძის ქუჩა N26-ში მდებარე ორსართულიანი საცხოვრებელი სახლის სახურავის გადახურვის სამუშაოებს.
4. ხელშეკრულების საფუძველზე შპს „წრედი“ ახორციელებდა ქალაქ ფოთში, მრავალსართულიანი ს/სახლების ლიფტების კაპ. შეკეთება, კერძოდ: გურიის ქუჩა N 179-ში მდებარე საცხოვრებელი სახლის ლიფტების რეაბილიტაციის სამუშაოებს.
5. ხელშეკრულების საფუძველზე შპს „წრედი“ ახორციელებდა ქალაქ ფოთში, მრავალსართულიანი ს/სახლების ლიფტების კაპ. შეკეთება, კერძოდ: ნინოშვილის ქუჩა N 41-ში მდებარე საცხოვრებელი სახლის ლიფტების რეაბილიტაციის სამუშაოებს.
6. ხელშეკრულების საფუძველზე შპს „წრედი“ ახორციელებდა ქალაქ ფოთში, მრავალსართულიანი ს/სახლების ლიფტების კაპ. შეკეთება, კერძოდ: ნინოშვილის ქუჩა N 39 -ში მდებარე საცხოვრებელი სახლის ლიფტების რეაბილიტაციის სამუშაოებს.
7. ხელშეკრულების საფუძველზე შპს „წრედი“ ახორციელებდა ქალაქ ფოთში, მრავალსართულიანი ს/სახლების ლიფტების კაპ. შეკეთება, კერძოდ: ჭავჭავაძის ქუჩა N140 -ში მდებარე საცხოვრებელი სახლის ლიფტების რეაბილიტაციის სამუშაოებს.
8. ხელშეკრულების საფუძველზე შპს „გზა-მშენებელი-13“ ახორციელებდა ქალაქ ფოთში ქუჩების ორმული შეკეთების სამუშაოებს.
9. ხელშეკრულების საფუძველზე შპს „ტოტალ“-ი ახორციელებდა ქალაქ ფოთში, სამეგრელოს ქუჩაზე მდებარე მრავალბინიანი საცხოვრებელი სახლების N16, N18, N20, N22, N24 მიმდებარედ ტროტუარის საფარის

რეაბილიტაციის სამუშაოებს.

10. ხელშეკრულების საფუძველზე შპს „ბემა“ ახორციელებდა ქალაქ ფოთში, 26 მაისის ქუჩაზე ჭიდაობის დარბაზის კაპიტალური შეკეთების სამუშაოებს.
11. შპს „ბემა“ ახორციელებდა ქალაქ ფოთში, მემედ აბაშიძის ქუჩაზე კრივის დარბაზის კაპიტალური შეკეთების სამუშაოებს.
12. ხელშეკრულების საფუძველზე შპს „ბემა“ ახორციელებდა ქალაქ ფოთში, N2 საჯარო სკოლის შენობის სარეაბილიტაციო სამუშაოებს.
13. ხელშეკრულების საფუძველზე ინდივიდუალური მეწარმე ფრიდონ ორდინიძე ახორციელებდა ქალაქ ფოთში, 26 მაისის ქუჩა N6-ში მდებარე პირველი სკოლამდელი სააღმზრდელო დაწესებულების შენობის დემონტაჟის სამუშაოებს.

მიმდინარე ობიექტები:

1. ხელშეკრულების საფუძველზე შპს „ინდიკო“ ახორციელებს ქალაქ ფოთის მუნიციპალიტეტში, 9 აპრილის ხეივნის მარჯვენა და მარცხენა შტოს რეაბილიტაციის სამუშაოებს.
2. ხელშეკრულების საფუძველზე შპს „პარამეტრი“ ახორციელებს მინი სპორტული მოედნების კაპ. რემონტის, კერძოდ: ქალაქ ფოთში, კუნძულის სანაპიროზე მდებარე მინი-სპორტული მოედნის რეაბილიტაციის სამუშაოებს.
3. ხელშეკრულების საფუძველზე შპს „პარამეტრი“ ახორციელებს მინი სპორტული მოედნების კაპ. რემონტის, კერძოდ: ქალაქ ფოთში, ნინოშვილის ქუჩის, 9 აპრილის ხეივნის, ბარათაშვილის ქუჩისა და გურიის ქუჩის მინი-სპორტული მოედნების რეაბილიტაციის სამუშაოებს.
4. ხელშეკრულების საფუძველზე შპს „საგზაო 333“ ახორციელებს მინი სპორტული მოედნების კაპ. რემონტის, კერძოდ: ქალაქ ფოთში, არზიანის ქუჩაზე და ახალ რაიონში მდებარე მინი-სპორტული მოედნების რეაბილიტაციის სამუშაოებს.
5. ხელშეკრულების საფუძველზე შპს „ფერმო ფენსი“ ახორციელებს მინი სპორტული მოედნების კაპ. რემონტის, კერძოდ: ქალაქ ფოთში, კოსტავას ქუჩაზე და გორგასლის ქუჩაზე მდებარე მინი- სპორტული მოედნების რეაბილიტაციის სამუშაოებს.

ხელშეკრულების საფუძველზე შპს „ფარაონი“ ახორციელებდა ქალაქ ფოთში, ლოლუას ქუჩის რეაბილიტაციის სამუშაოებს, კერძოდ: ლოლუას ქუჩის (ფარნავაზ მეფის ქუჩიდან წმ. გიორგის ქუჩამდე) სარეაბილიტაციო სამუშაოებს. მომწოდებლის მიერ ხელშეკრულებით ნაკისრი ვალდებულებების არაჯეროვანი და არაკეთილსინდისიერი შესრულების გამო, შეწყვეტილ იქნა, ქალაქ ფოთში, ლოლუას ქუჩის (ფარნავაზ მეფის ქუჩიდან წმინდა გიორგის ქუჩამდე) რეაბილიტაციის სამუშაოების ხელშეკრულება.

გამოცხადებულია ტენდერი:

1. ქალაქ ფოთში, კონსტიტუციის ქუჩაზე გზის საფარის რეაბილიტაციის სამუშაოების შესყიდვაზე.
2. ქალაქ ფოთში, ლიეპაიას ქუჩის სარეაბილიტაციო სამუშაოების შესყიდვაზე.
3. ქალაქ ფოთში, ვატაევის ქუჩის (დ. აღმაშენებლის ქუჩიდან - 9 აპრილის ხევნამდე) სარეაბილიტაციო სამუშაოების შესყიდვაზე.
4. ქალაქ ფოთში, სევასტოპოლის ქუჩა N2-ში მდებარე მრავალბინიანი ს/სახლის ლიფტის რეაბილიტაციის სამუშაოების შესყიდვაზე.
5. ქალაქ ფოთში, 112-ის ოფისისა და მიმდებარე ტერიტორიის სარეაბილიტაციო სამუშაოების შესყიდვაზე.

მ/წლის ბოლომდე მუნიციპალიტეტს გადმოეცემა:

კონტეინერები - 1,1 მ3; 0,240 მ3; მცირე ურნები - 1087 ერთეული.

უნიფორმები, ურიკები და სხვა - სულ 94 ერთეული.

ნაგავმზიდი - 7მ3-იანი 1 ერთეული;

ნაგავმზიდი 13 მ3 – 1 ერთეული;

პიკაპი (მინი სატვირთო) – 6 ერთეული;

ქუჩების მექანიკური დამგველი (სვიპერი) – 1 ერთეული.

შესაბამისად, დასაწყებია მზადება ახალ სისტემაზე გადასვლასთან დაკავშირებით, ვინაიდან დაწესდება „ჭიშკრის გადასახადი“, რაც შეტანილ მოცულობაზეა დამოკიდებული, ამიტომ დასაჩქარებელია სეპარაციის დაწყება (პირველი რიგში პლასტიკატები, მაკულატურა), ამ მიზნით ა(ა)იპ სამეცნიერო კავშირი „სპექტრის“

მიერ საჩუქრად გადმოგვეცა 40 ერთეული პლასტიკატების შესაგროვებელი კონტეინერი და ერთი ერთეული პრესი. დაწყებულია მაკულატურის საცდელი სეპარაცია, ვემზადებით პლასტიკატების სეპარაციისათვის.

შემუშავებული და დასანერგია ქუჩების მოვლა-პატრონობის ერთიანი სისტემა (ნაცვლად დღეს არსებულისა), რომელიც მოიცავს მოვლა-პატრონობის ყველა ელემენტს, ერთიან მომსახურებას, კერძოდ: ორმული შეკეთება, მოხრეშვა-დაგრეიდერება, საგზაო ნიშნების აღდგენა, ქუჩების დახაზვა, ხიდბოგირების აღდგენა და სხვა.

ასევე შემუშავებული და განსახორციელებელია ქუჩების საგზაო ნიშნებისა და ტრანსპორტის მოძრაობის რეგულირების ერთიანი პროგრამის პასპორტი, რომელიც მოიცავს ქუჩების დახაზვას, უსაფრთხოების კუნძულების მოწყობასა და ქუჩების გაფართოებას, სატრანსპორტო კვანძების რეგულირებას, ავტოსადგომების მოწყობას, შუქნიშნებსა და სხვა, შესაბამისი გრძელვადიანი სახელმძღვანელო პროექტებით და ხარჯთაღრიცხვებით.

მომზადდა და ორგანიზაცია გაეწია გარემოსდაცვითი ობიექტების შესწავლას და განხილვას, როგორიცაა: ზღვის სანაპირო ზოლის დაცვა.

ჰიდროტექნიკური ნაგებობის რეაბილიტაცია, მდინარე რიონის არხის გაწმენდა და გალერეის რეაბილიტაცია. პალიასტომის ტბის ჰიდროდინამიური რეჟიმის აღდგენა.

ერთიანი მელიორაციული სისტემის შექმნა (სანიაღვრე კანალიზაცია, სატუმბი სადგურები).

ინოვაციური მცურავი ტალღაშემარბილებელი ჰიდროტექნიკური ნაგებობის საპილოტე გამოცდა.

ასევე მოხდა, საქართველოს პარლამენტის გარემოს დაცვისა და ბუნებრივი რესურსების კომიტეტის მიერ, კლიმატის ცვლილების კანონის შემუშავებასთან დაკავშირებული ტრენინგებისა და სამუშაო შეხვედრებში მონაწილეობა.

ქალაქ ფოთის მუნიციპალიტეტის საკრებულოს 2015 წლის 8 ივლისის N17/23 დადგენილებით, ქალაქ ფოთის ადმინისტრაციულ საზღვრებში დაწესებულია რეგულარული სამგზავრო გადაყვანის 22 მარშრუტი (M2 კატეგორია), ხოლო საქალაქო ავტობუსებისთვის (M3 კატეგორია) 10 მარშრუტი.

ქალაქ ფოთის მუნიციპალიტეტის საკრებულოს, 2021 წლის 13 აპრილის N5/10 დადგენილების „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის

გადახდის წესის დამტკიცების შესახებ“ შესაბამისად, ყოველწლიურად ცხადდება კონკურსი რეგულარული სამგზავრო გადაყვანის ნებართვის მოსაპოვებლად. გამარჯვებულზე ნებართვა გაიცემა ერთი წლის ვადით.

გამოცხადებულ კონკურსში (კონკურსი გამოცხადდა N10 მარშრუტზე) გამარჯვებულად გამოვლინდა შპს „ფოთის სატრანსპორტო კომპანია“ (ავტოსატრანსპორტო საშუალების სახეობა M3 კატეგორია) 1 ერთეული ავტობუსი, რომლებზეც გაიცა რეგულარული სამგზავრო გადაყვანის ნებართვა 1 წლის ვადით

გამოცხადებულ კონკურსში გამარჯვებულად გამოვლინდა 23 ინდ/მეწარმე (ავტოსატრანსპორტო საშუალების სახეობა M2 კატეგორია) და შპს „ფოთის სატრანსპორტო კომპანია“ (ავტოსატრანსპორტო საშუალების სახეობა M3 კატეგორია) 9 ერთეული ავტობუსი, რომლებზეც გაიცა რეგულარული სამგზავრო გადაყვანის ნებართვა 1 წლის ვადით

გამოცხადებულ კონკურსში გამარჯვებულად გამოვლინდა შპს „ფოთის სატრანსპორტო კომპანია“ (ავტოსატრანსპორტო საშუალების სახეობა M3 კატეგორია, მარშრუტი N8) 2 ერთეული ავტობუსი და 4 ინდ/მეწარმე (ავტოსატრანსპორტო საშუალების სახეობა M2 კატეგორია), რომლებზეც გაიცა რეგულარული სამგზავრო გადაყვანის ნებართვა 1 წლის ვადით

მგზავრთა გადაყვანის ნებართვის მოსაკრებელი თითო მიკროავტობუსისთვის შეადგენს 25 ლარს თვეში, ხოლო საქალაქო ავტობუსებისთვის 5 ლარს თვეში. თანხა ირიცხება ადგილობრივ ბიუჯეტში.

მიკროავტობუსების 100% კერძო საკუთრებაა. მიკროავტობუსით მგზავრობის საფასური შეადგენს 1 (ერთი) ლარს, ხოლო №5 სვლაგეზზე (წრიული) მოძრავი მიკროავტობუსის მგზავრობის ღირებულება 80 თეთრს.

საქალაქო ავტობუსებით მომსახურების ღირებულება შეადგენს 50 თეთრს.

საქალაქო ავტობუსების სუბსიდირება ყოველწლიურად შეადგენს 780,0 (შვიდასოთხმოციათასი) ლარს.

M3 კატეგორიის ავტობუსებით, სადაც მგზავრობის ფასის გადახდა ხორციელდება ელექტრონული აღმრიცხველი საშუალებების გამოყენებით, 50% შეღავათიანი მგზავრობით სარგებლობები ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: მეორე მსოფლიოს ომის ვეტერანები და მათთან გათანაბრებული პირები, მკვეთრად გამოხატული შეძლუდული შესაძლებლობის მქონე პირები.

მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები: 0-6 წლამდე ბავშვები; სკოლის მოსწავლეები (24 საათში 2-ჯერ), ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, მედდები და

ექიმები, ა(ა)იპ კოალიცია „სოციალური რეფორმებისათვის“ დღის ცენტრის თანამშრომლები, შეზღუდული შესაძლებლობის მქონე უსინათლო პირები და გადაადგილებისას მათთან ერთად მყოფი დამხმარე ნებისმიერი პირი.

საანგარიშო პერიოდში მუნიციპალური ტრანსპორტით ისარგებლა 664200 მგზავრმა (ავტობუსი, მიკროავტობუსი), აქედან შედავათით ისარგებლა 125270 ბენეფიციარმა (ავტობუსები).

ყოველდღიურად (შაბათ-კვირის გარდა) ერთი სატრანსპორტო საშუალება (FORD TRANSIT, სარეგისტრაციო ნომერი ER-440-RE, ტიპი - ვენი, გამოშვების წელი 2007) ემსახურება შეზღუდული შესაძლებლობების მქონე ბავშვთა დღის ცენტრის ბენეფიციარებს (აღნიშნულ პერიოდში მოხდა საშუალოდ 3520 შშმ ბავშვის ტრანსპორტირება (წაყვანა-მოყვანა)).

რეგულარული სამგზავრო გადაყვანის ნებართვის საფასური ირიცხება ქალაქ ფოთის მუნიციპალიტეტის ბიუჯეტში. მოსაკრებლის თანხის გადახდა ხორციელდება არაუგვიანეს ყოველი თვის ბოლო დღისა.

მიმდინარეობს ყოველდღიური კონტროლი შიდასაქალაქო ტრანსპორტის (ავტობუსები, მიკროავტობუსები)

სანებართვო პირობების შესრულების მიზნით (მარშრუტი, გეგმა-გრაფიკი, გაჩერების ინტერვალი და სხვა).

ასევე ხორციელდება კონტროლი, ქალაქ ფოთში, რკინიგზის სადგურიდან გამოსული მგზავრების

მუნიციპალური ტრანსპორტით მომსახურების მიზნით, აღნიშნული რეისები სრულდება ყოველდღიურად 22:50 სთ-დან (ერთი გზა), ქალაქის სხვადასხვა მიმართულებით (ცენტრი, მალთაყვა, ნაბადა).

ქალაქ ფოთის მუნიციპალიტეტის ფარგლებში, საჯარო სკოლ(ებ)ის მოსწავლეთა ტრანსპორტით უზრუნველყოფის მომსახურების მიზნით, ყოველწლიურად ცხადდება კონსოლიდირებული ტენდერი ქალაქ ფოთში, სსიპ ქალაქ ფოთის N4 და აფხაზეთის N21 საჯარო სკოლების მოსწავლეების სატრანსპორტო მომსახურების შესყიდვაზე.

შესყიდულ იქნა ქალაქ ფოთში, სსიპ ქალაქ ფოთის N4 და აფხაზეთის N21 საჯარო სკოლების მოსწავლეების სატრანსპორტო მომსახურება, თანხით 61781,76 (სამოცდაერთიათას შვიდასოთხმოცდაერთი ლარი და 76 თეთრი) ლარი, დღგ-ს ჩათვლით,

შექმნილი ინსპექტირების ჯგუფის მიერ ხორციელდება, სსიპ ქალაქ ფოთის N4 და აფხაზეთის N21 საჯარო სკოლების მოსწავლეების სატრანსპორტო მომსახურების შემოწმება (ინსპექტირება).

ინსპექტირების ჯგუფის წევრები ახორციელებენ ქალაქ ფოთში, სსიპ ქალაქ ფოთის N4 და აფხაზეთის N21

საჯარო სკოლების მოსწავლეების სატრანსპორტო მომსახურების შემოწმებას (ინსპექტირება), ქალაქ ფოთის მუნიციპალიტეტში „საჯარო სკოლების მოსწავლეების ტრანსპორტით უზრუნველყოფის“ პროგრამა განხორციელდა სრულყოფილად, სავალდებულო და დამატებითი კრიტერიუმების დაცვით, მიმწოდებლის მიერ წარმოდგენილი ყოველთვიური ტაბელის და ხელშეკრულებით დადგენილი პირობების შესაბამისად.

საკრებულომ დაამტკიცა:

ანგარიშის წარდგენის პერიოდში დამტკიცდა:

- ქალაქ ფოთის მუნიციპალიტეტის მდგრადი ენერგეტიკისა და კლიმატის სამოქმედო გეგმა
- ქალაქ ფოთის მუნიციპალიტეტის საკუთრებაში არსებული ქონების საპრივატიზაციო ობიექტების ნუსხისა და პრივატიზაციის გეგმა
- ქალაქ ფოთში, 9 აპრილის ხეივანზე შპს „თბილისის საინვესტიციო ჯგუფი“-ს საკუთრებაში არსებულ მიწის ნაკვეთზე (ს.კ.04.01.07.486) განაშენიანების დეტალური გეგმის კონცეფცია და განაშენიანების დეტალური გეგმა. აღნიშნულ მიწის ნაკვეთზე კომპანია გეგმავს სასაწყობე შენობის და ინფრასტრუქტურის მოწყობას
- ქალაქ ფოთში, რეკვავას ქუჩა N9-ში, სს „ვისოლ პეტროლიუმ ჯორჯია“-ს საკუთრებაში არსებულ მიწის ნაკვეთზე (ს.კ. 04.01.10.077) განაშენიანების დეტალური გეგმის კონცეფცია და განაშენიანების დეტალური გეგმა. აღნიშნულ მიწის ნაკვეთზე კომპანია გეგმავს ერთსართულიანი სავაჭრო ობიექტის და ინფრასტრუქტურის მოწყობას

მიეცა უფლება შ.პ.ს. „ი.ა.თ“ -ის დაიწყოს „ქალაქ ფოთის მუნიციპალიტეტის ქალაქშენებლობითი დოკუმენტაციის - გენერალური გეგმისა და განაშენიანების გეგმის დამტკიცების თაობაზე“ ქალაქ ფოთის მუნიციპალიტეტის საკრებულოს 2019 წლის 2 დეკემბრის N27/28 დადგენილებაში ცვლილების განხორციელების მიზნით ადმინისტრაციული წარმოება, კომპანია თავის კუთვნილ მიწის ნაკვეთზე, რომელიც მდებარეობს ქალაქ ფოთში, მამუკა კაცაძის ქუჩა №39-ში (მიწის ნაკვეთის ს.კ. 04.01.13.306, მიწის ფართობია 2444,00 კვ.მ) გეგმავს ორი მრავალსართულიანი საცხოვრებელი კორპუსის მშენებლობას

ქალაქ ფოთის მუნიციპალიტეტის საკრებულოს 2019 წლის 2 დეკემბრის N27/28 დადგენილებაში ცვლილების განხორციელების მიზნით ადმინისტრაციული წარმოება, მოქალაქე თავის კუთვნილ მიწის ნაკვეთზე, რომელიც მდებარეობს მდებარეობს ქალაქ ფოთში, კოკაიას ხეივანი №10-ში, (მიწის ნაკვეთის ს.კ. 04.01.03.747, მიწის ფართობია 16601,00 კვ.მ), გეგმავს ააშენოს სამრეწველო შენობა 2000 კვ.მ მოცულობის, სადაც განთავსდება საზღვარგარეთიდან იმპორტირებული პროდუქტის შესანახი ავზები და მისი გადამუშავებისთვის საჭირო აღჭურვილობა.

არასამეწარმეო (არაკომერციული) იურიდიული პირს „ქალაქ ფოთის მუნიციპალური ინსპექციას“ თხოვების ფორმით, აუქციონის გარეშე, უსასყიდლო უვადო სარგებლობაში გადაეცა ქალაქ ფოთის მუნიციპალიტეტის საკუთრებაში არსებული სატრანსპორტო საშუალება FIAT TIPO-ს არასამეწარმეო (არაკომერციული)

იურიდიული პირს „ქალაქ ფოთის მუნიციპალიტეტის სერვისების ცენტრს“ უსასყიდლო უზუფრუქტის ფორმით, აუქციონის გარეშე სარგებლობაში გადაეცა:

- ა) ქალაქ ფოთის მუნიციპალიტეტის საკუთრებაში არსებული, ქალაქ ფოთში, ვიქტორ კრატასიუკის ქუჩა N82-ში მდებარე უძრავი ქონება (მიწის (უძრავი ქონების) საკადასტრო კოდი 04.01.03.198)
- ბ) ქალაქ ფოთის მუნიციპალიტეტის საკუთრებაში არსებული, ქალაქ ფოთში, აბესალომ ვეკუას ქუჩა N7-ში მდებარე უძრავი ქონება (მიწის (უძრავი ქონების)

მიეცა თანხმობა ქალაქ ფოთის მუნიციპალიტეტის მერს, შპს „ვესტერნ რეზიდენსისათვის“ პირდაპირი განკარგვის წესით, სასყიდლით, 30 (ოცდაათი) წლის ვადით, ავტოსადგომების მოსაწყობად და მისი ფუნქციონირების უზრუნველსაყოფად, იჯარის ფორმით სარგებლობაში გადასცეს ქალაქ ფოთის მუნიციპალიტეტის საკუთრებაში არსებული, ქალაქ ფოთში, ძუკუ ლოლუას ქუჩაზე მდებარე 215.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების)

სახელმწიფოს უსასყიდლოდ გადაეცა ქალაქ ფოთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთი:

ქალაქ ფოთი, ზაქარია ფალიაშვილის ქუჩაზე მდებარე 7.00 კვ.მ. არასასოფლო-სამეურნეო დანიშნულების მიწის ნაკვეთის (მიწის (უძრავი ქონების) საკადასტრო კოდი 04.01.20.057)

საქართველოს მთავრობის 2007 წლის 24 ოქტომბრის N233 დადგენილებით დამტკიცებული წესის შესაბამისად, ქალაქ ფოთის მუნიციპალიტეტის საკუთრებად დარეგისტრირდა სახელმწიფო საკუთრებაში არსებული შემდეგი არასასოფლო-სამეურნეო დანიშნულების მიწის ნაკვეთები:

- ა) ქალაქ ფოთში, ძუკუ ლოლუას ქუჩაზე მდებარე 215 კვ.მ. არასასოფლო-სამეურნეო დანიშნულების მიწის ნაკვეთი :
- ბ) ქალაქ ფოთში, დავით აღმაშენებლის ქუჩაზე მდებარე 11 კვ.მ. არასასოფლო-სამეურნეო დანიშნულების მიწის ნაკვეთი
- გ) ქალაქ ფოთში, ალექსანდრე ჭავჭავაძის ქუჩაზე მდებარე 4044 კვ.მ. არასასოფლო-სამეურნეო დანიშნულების მიწის ნაკვეთი
- დ) ქალაქ ფოთში, 26 მაისის ქუჩაზე მდებარე 454 კვ.მ. არასასოფლო-სამეურნეო დანიშნულების მიწის ნაკვეთი ე) ქალაქ ფოთში, შოთა რუსთაველის რკალზე მდებარე 128.00 კვ.მ. არასასოფლო-სამეურნეო დანიშნულების მიწის ნაკვეთი

ვ) ქალაქ ფოთში, ლარნაკას ქუჩაზე მდებარე 132.00 კვ.მ არასასოფლო-სამეურნეო დანიშნულების მიწის ნაკვეთი

სსიპ - სახელმწიფო ქონების ეროვნული სააგენტოს თავმჯდომარის ბრძანებების საფუძველზე სახელმწიფო საკუთრებაში არსებული შემდეგი უძრავი ქონებები დამატებითი ქონების სახით გადმოეცა ქალაქ ფოთის მუნიციპალიტეტის საკუთრებაში:

- 1) ქალაქ ფოთში, მაღალი მდებარე უძრავი ქონება
- 2) ქალაქ ფოთში, გურიის ქუჩა N2-ის მიმდებარედ არსებული უძრავი ქონება
- 3) ქალაქ ფოთში, 9 აპრილის ხეივანში მდებარე უძრავი ქონება (105 კვ.მ არასასოფლო-სამეურნეო დანიშნულების მიწის ნაკვეთი)
- 4) ქალაქ ფოთში, 9 აპრილის ხეივანში მდებარე უძრავი ქონება (1821 კვ.მ არასასოფლო-სამეურნეო დანიშნულების მიწის ნაკვეთი).

აუქციონზე გატანილი ქალაქ ფოთის მუნიციპალიტეტის საკუთრებაში არსებული ქონებებიდან გაიყიდა:

ქალაქ ფოთში, ალექსანდრე ჭავჭავაძის ქუჩაზე მდებარე 350.00 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების) ქალაქ ფოთის მუნიციპალიტეტის საკუთრებაში არსებული სატრანსპორტო სამუალება KAMAZ 65115 თვითმცლელად გადაკეთების შედეგად დარჩენილი ნაგვის შემკრები ბუნკერი KOMMASH KO-440B1

ქალაქ ფოთის მუნიციპალიტეტის საკუთრებაში არსებული, ქალაქ ფოთში, იმერეთის ქუჩა N19-ში მდებარე უძრავი ქონება (შენობა-ნაგებობა N1 და მასზე დამაგრებული 283.00 კვ.მ. არასოფლო-სამეურნეო დანიშნულების მიწის ნაკვეთი) (მიწის (უძრავი ქონების)

ქალაქ ფოთში, ზაქარია ფალიაშვილის ქუჩაზე მდებარე 223.00 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების)

ქალაქ ფოთში, მშვიდობის ქუჩაზე მდებარე 500.00 კვ.მ. არასასოფლო-სამეურნეო დანიშნულების მიწის ნაკვეთი (მიწის (უძრავი ქონების)

ქალაქ ფოთში, კოტე მარჯანიშვილის ქუჩაზე მდებარე 109.00 კვ.მ. არასასოფლო-სამეურნეო დანიშნულების

მიწის ნაკვეთი (მიწის (უძრავი ქონების)

ქალაქ ფოთის მუნიციპალიტეტის საკუთრებაში არსებული, ქალაქ ფოთში, 9 აპრილის ხეივანში მდებარე 105.00 კვ.მ. არასასოფლო-სამეურნეო დანიშნულების მიწის ნაკვეთი

დამტკიცდა:

ქალაქ ფოთის მუნიციპალიტეტის გენდერული თანასწორობის საბჭოს 2023-2025 წწ. გეგმა

ქალაქ ფოთის მუნიციპალიტეტის საკრებულოს კომუნიკაციის სტრატეგია და სამოქმედო გეგმა 2023-2026წწ.

სოციალური და ჯანდაცვის მიმართულებები

საანგარიშო პერიოდში ბიუჯეტში შევიდა 4 ცვლილება და შექმნა 1 ახალი პროგრამა. კერძოდ:

ქალაქ ფოთის მუნიციპალიტეტის მერის 2023 წლის 05 ივლისის №842.42231863 ბრძანებით ცვლილება შევიდა ქალაქ ფოთის მუნიციპალიტეტის 2023 წელს განსახორციელებელ ჯანმრთელობისა და სოციალური დაცვის პროგრამებში. კერძოდ: „მოსახლეობის სტაციონარული მკურნალობის დახმარების“ პროგრამა გაიზარდა 26,3 ათ. ლარით, „მოსახლეობის მედიკამენტებით უზრუნველყოფის“ პროგრამა გაიზარდა 3,0 ათ.ლარით, „შშმ ბავშვთა რეაბილიტაციის დაფინანსება“ პროგრამა გაიზარდა 0,7 ათ.ლარით,

ცვლილება შევიდა ქალაქ ფოთის მუნიციპალიტეტის 2023 წელს განსახორციელებელ ჯანმრთელობისა და სოციალური დაცვის პროგრამებში. კერძოდ: „საზოგადოებრივი ჯანდაცვის მომსახურება“ გაიზარდა 4,0 ათ.ლარით, „მოსახლეობის სტაციონარული მკურნალობის დახმარების“ პროგრამა გაიზარდა 23,4 ათ. ლარით, „მოსახლეობის მედიკამენტებით უზრუნველყოფის“ პროგრამა გაიზარდა 5,0 ათ.ლარით, სადღესასწაულო დღეებთან დაკავშირებული დახმარებები“ პროგრამა გაიზარდა 1,5 ათ.ლარით, შეიქმნა ახალი პროგრამა „სოციალურად დაუცველი და საჭიროების მქონე I-VI კლასის მოსწავლეების სასკოლო ნივთებით უზრუნველყოფა“.

პროგრამა ჩამოყალიბდა შემდეგი სახით:

ქვეპროგრამის დასახელება (პროგრამული კოდი 06 04 30) „სოციალურად დაუცველი და საჭიროების მქონე მოსწავლეების სასკოლო ნივთებით უზრუნველყოფა დაფინანსება“ (ათას ლარში 10.0)

სასწავლო წლის განმავლობაში, სასწავლო ნივთებით უზრუნველყოფილი იქნება 100-მდე ბავშვი.

ცვლილება შევიდა ქალაქ ფოთის მუნიციპალიტეტის 2023 წელს განსახორციელებელ ჯანმრთელობისა და

სოციალური დაცვის პროგრამებში. კერძოდ: „მოსახლეობის მედიკამენტებით უზრუნველყოფის“ პროგრამა გაიზარდა 2,0 ათ.ლარით, „უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად“ პროგრამა გაიზარდა 0,4 ათ.ლარი, „სადღესასწაულო დღეებთან დაკავშირებული დახმარებები“ პროგრამა გაიზარდა 3,6 ათ.ლარით.

ცვლილება შევიდა ქალაქ ფოთის მუნიციპალიტეტის 2023 წელს განსახორციელებელ ჯანმრთელობისა და სოციალური დაცვის პროგრამებში. კერძოდ: კერძოდ: „საზოგადოებრივი ჯანდაცვის მომსახურება“ გაიზარდა 7,0 ათ.ლარით, „მოსახლეობის სტაციონარული მკურნალობის დახმარების“ პროგრამა გაიზარდა 100,0 ათ. ლარით, „მოსახლეობის მედიკამენტებით უზრუნველყოფის“ პროგრამა გაიზარდა 20,0 ათ.ლარით, „შშმ ბავშვთა რეაბილიტაციის დაფინანსება“ პროგრამა გაიზარდა 83,5 ათ.ლარით, „მარტოხელა მშობელთა დახმარება“ პროგრამა გაიზარდა 3,0 ათ.ლარით, „უსინათლოებისა და სმენადაქვეითებულთა მატერიალური დახმარება კომუნალური გადასახადების დასაფინანსებლად“ პროგრამა გაიზარდა 4,5 ათ.ლარი, „სადღესასწაულო დღეებთან დაკავშირებული დახმარებები“ პროგრამა გაიზარდა 74,0 ათ.ლარით.

საკრებულოს აპარატის ორგანიზაციული საქმიანობის საერთო ხელმძღვანელობა

- ✓ საკრებულოს მუნიციპალიტეტის საქმიანობას ორგანიზაციულად უზრუნველყოფს საკრებულოს აპარატი. საკრებულოს აპარატის ამოცანებია: საკრებულოს თავმჯდომარის, თავმჯდომარის მოადგილეების, საკრებულოს წევრების, კომისიების, ფრაქციების საქმიანობის ორგანიზაციული, იურიდიული, დოკუმენტური, საინფორმაციო, საფინანსო და მატერიალურ-ტექნიკური უზრუნველყოფა.
- ✓ აპარატის საერთო ხელმძღვანელობას ახორციელებს საკრებულოს თავმჯდომარე. აპარატს ხელმძღვანელობს აპარატის უფროსი. აპარატის ორგანიზაციული სტრუქტურა განისაზღვრება აპარატის დებულებით, რომელსაც ამტკიცებს საკრებულო. საკრებულოს აპარატში ფუნქციონირებს ხუთი განყოფილება

მოქალაქეებთან შეხვედრები

საანგარიშო პერიოდში მიმდინარეობდა მოსახლეობასთან შეხვედრები სხვადახვა საკითხზე. პრობლემების გადაჭრა მოსახლეობის ინტერესების გათვალისწინებით ეტაპობრივად ხორციელდება. შეხვედრების მთავარი მიზანი სწორედ ამ საჭიროებების გამოვლენა და მათზე დროული რეაგირებაა, რისთვისაც საკრებულო მუშაობას აქტიურად გააგძელებს.





შედეგი, ფაქტი:

ქალაქ ფოთის მუნიციპალიტეტის საკრებულოს დადგენილებით დამტკიცებული, ქალაქ ფოთის მუნიციპალიტეტის ბიუჯეტში გათვალისწინებულ იქნა: ინფრასტრუქტურის მშენებლობის, რეაბილიტაციის და ექსპლუატაციის, საგზაო ინფრასტრუქტურის მშენებლობის, რეაბილიტაციის, კომუნალური ინფრასტრუქტურის მშენებლობა-რეაბილიტაციის, გარე განათების, უმეთვალყურეოდ დარჩენილი ცხოველების იზოლაციის, სანიაღვრე არხების მშენებლობა რეაბილიტაციის და ექსპლუატაციის, კეთილმოწყობის სამუშაოების, ქალაქის გამწვანების, კულტურის, ახალგაზრდული და სპორტული ღონისძიებების, მოსახლეობის ჯანმრთელობის დაცვის, სოციალური უზრუნველყოფისა და სხვა დაფინანსების თანხები.

განხორცილებული საქმიანობების შედეგად მიღებული შედეგი, მაგ.: ანგარიშის წარმდგენის მიერ ინიციირებული რამდენი პროექტი იქნა მიღებული საკრებულოს მიერ, რა შესრულდა ამომრჩევლის წინაშე აღებული ვალდებულებებიდან.

შემდეგი საანგარიშო პერიოდის მირითადი პრიორიტეტები:

სოციალური და ინფრასტრუქტურული პროექტების განხორციელება.

ქალაქ ფოთის მუნიციპალიტეტის
საკრებულოს თავმჯდომარე

ალექსანდრე ტყებუჩავა